

晚晴簃詩匯

第五九冊

七



晚晴簃詩匯卷一百五十三目錄

陳寶箴

二首

游智開

九首

李鴻裔

五首

孫福清

三首

褚維壇

六首

馮譽駒

一首

方昌翰

二首

王成升

一首

程之楨

二首

鄒漢勛

八首

黎庶燾

十五首

潘誠貴

三首

鄧輔綸

十四首

章鎰

一首

呂錦文

二首

章永康

六首

許宗衡

五首

趙廷愷

三首

彭瑞毓

三首

吳仰賢

五首

蕭培元

三首

趙新

二首

馮晟 四首

晚晴移詩匯卷一百五十三

徐世昌

陳寶箴字右銘江西義甯人咸豐辛亥舉人官至湖南

巡撫

詩話右翁負幹略工詩古文辭初見賞於曾文正以從戎致通顯任河南彰衛懷道創立致用精舍專課實學河朔人才蔚然而起嘗校刻李文清遺書余曾得而讀之其子伯嚴吏部與余爲鄉會同年通籍後假歸不出淡於仕進專心著述僑寓金陵詩名甚盛學者稱爲散原先生

謝易實甫贈廬山泉

廿年不踐匡廬徑讀畫因君繫夢思
餉我新泉分瀑布淪將春茗助敲詩
清流合讓支筇客辟地須尋面壁師
安得草堂容設榻一甌睡足日高時

實甫有和詩疊韻酬之

明倫彙編 詩話卷一百五十三
遠載山泉千里外勝流高致使人思罌瓶瀉口衝寒色壘
塊澆胸洗惡詩三峽游蹤如昨夢一瓢陋巷本吾師芒鞋
素便青峯下始是波瀾不起時

游智開字子代新化人咸豐辛亥舉人歷官廣西布政

使有藏園詩鈔

詩話子代牧無爲和泗灤深諸州守永平府愷悌愛
民一時稱循吏遂進監司分藩川粵再攝疆符嶽嶽
著清節再起莅西粵益砥礪晚節以老乞歸卒年八
十有五初官永平時朝鮮使臣卞元圭吉雲道經其
地與相酬唱乞其稟歸爲序而刻之晚自定稟刪存
二百餘篇詩芬芳悱惻有元次山春陵道州諸篇遺
意

雙刀歌贈仲芸

長沙城頭夜吹角軍書頻報妖氛惡立散黃金募健兒誓
除亂賊安耕鑿酒酣奮臂登高臺揮刀起挾浮雲開繞身

倏忽曳雌蜺已覺狡兔無蒿萊寶物驚看買難得炎天冷
透冰霜色鏗然齊插短鞘中餘怒猶聞吼未息自言採鐵
南山岡鍛鍊晝夜摩陰陽深鑄咸豐某年月幾肯輕試鞘
鋒鏐只今羣盜被原野雄心已逐嘶風馬若云佩此位三
公世間笑殺屠沽者把君衷爲君歌唾壺擊碎當奈何區
區金紫安足多請君斫斷生龜鼉

六安遇周八卽送之臨淮

故人今日來沈疴今日起秋風滿庭階握手各相視子容
較昔豐我病瘦何似歡會敘離憂亂緒紛難理憶從去年
春同舟泛江水翩若南翔鴻雙飛復雙止中忽隔一隅盜
賊驚突豕踰年患未消信息殊生死覲面良可欣征車嗟
復駛檐端互明河絮絮猶未已

往離日苦長來別日虞久相依晨夕間屬子一樽酒志趣各有存大節期不苟詎以恃愛深而負厥身咎世事方艱虞勳名懼衰朽金甌捲淮流花驄嘶岸柳努力舒遠猷金印行繫肘當路急需才況有平生厚短策余顧慚清操誓終守臨河濯長纓願言告良友

別王荷夫墓

盧龍王荷夫名清海曾官農部余守永平日凡築城堞治樓櫓修葺書院義學

多屬之廉能勤謹不辭勞瘁一日假寐即逝年尚未五十也

辛苦爾生前聊憑一枕眠千秋孤竹國三月落花天舊宅依鄰井青山俯墓田移官吾在邇來別益淒然

叵羅詞

固安縣城南柳市每越五日販豎麋集皆柳器也叵羅尤工緻日中一隅千萬立盡貧家

夫婦多晝夜編造苦資餬口

折盡楊柳枝綰盡楊柳絲與郎作叵羅綰郎無別離

離家長苦思在家長苦飢與郎作叵羅楊柳郎生涯
街前賣叵羅箇箇圓復圓門前種楊柳相見時相憐

力子來

公堂錄囚罷猝然見行李僉稱力子來芒鞋踏階配長跪
報平安未啟書先喜有篋廣且深有篋方尺咫尺次第列長
筵鄉味多且旨所嗟路迢迢辛苦三千里

豕婦奉我棗介婦奉我薑黃柑雙復雙摩挲雙手香書言
兒種柑在耶出門後摘柑寄西川耶苦居官久告兒及明
春斗酒聽鳴鶯聞兒又生孫歸哉怡我情

李鴻裔字眉生中江人咸豐辛亥舉人歷官江蘇按察
使有蘇鄰遺詩

詩話蘇鄰初從胡文忠會文正軍幕由主事迭擢監
司謝事居蘇州得瞿氏網師園葺治名曰遠園以

與蘇子美滄浪亭故址近自號蘇鄰時東南大亂初
定吳中紳宦寓公勝流接迹稱爲極盛林亭花樹金
石圖史名書妙續以逮飲饌服翫靡不妍雅多致蘇
鄰在幕府久治事精敏不廢文藝曾文正稱其詩俊
偉似牧之晚習南北朝碑版又雜治官帖奄有晉唐
風格惜歿未六十與其詩皆未竟其學遺藁散亡黎
氏輯刻僅據後來手迹
雜存未足爲定本也

題吳桐雲

大廷

同年出山海關圖

一笑囊書出漢關
醫閭北鎮海東環
雄邊鼓吹騰三輔
奇句弓衣繡百蠻
夜雪氈廬元菟郡
夕陽駝背老鴉山
時危地險思周歷
仗劍輸君獨往還

李陵臺北晾鷹臺
秋到居庸萬壑哀
九月出關驢背冷
十

年回首雁聲來

咸豐癸丑賊擾畿甸余繞道出居庸入雁門由山陝還蜀

中原戈馬猶

前日邊塞風雲豈異才
擲畫還君三歎息
陪都天仗泣龍

媒

和黎伯庸 兆勳 夜雨書懷之作

春明門內邵亭詩短簿風流夢想之霜菊上肩螯在手去
年十月見君時

居然春餅上秋筵況有霜花照晚天喚起黃州三月夢孤
城斜日斷炊煙

高碧湄 心夔 同年春間謁選入都取道閬門流連旬

日盛稱銅梓吳叟 敏樹 之爲人心嚮往之道遠莫

致乃不浹月而余已與吳叟見於金陵碧湄郵書
堅余引退之約亦適由濟南遞至賦此答之并呈

銅梓卽用湘鄉相侯贈吳叟詩原韻

重簾漏月光如鐙風檐椽燭高花摧故人貽我濟城牘夜
窗忽卷明湖來流光一別兩晦朔計程已踏天街槐朝驂

夕秣無恙否九畿鐵騎方排厯十年不聽東華鑰觚棱回
首雲山乖主恩未報涓與埃壯心俱化塵與灰夜眠仰屋
見星斗常懼鬼瞰天爲災拂衣去閉江上宅空庭卧病生
荒萊願子早除吏部選摩搔鰥寡如嬰孩疵癘不生民氣
樂河無渡虎山無豺匡山昔日讀書處政成盍曰還歸哉
洞庭黏天四無壁蕩蕩鷗鳥忘驚猜美人獨處軒轅臺老
而不嫁青春隕子昔見之君山隈暮天鼓瑟猿嘯哀我欲
從之不得往四方上下彌雲霾翩然一舸冶城下浪花如
雪春江皚青谿白石忽相遇拍肩勸我流霞杯作書報子
寄京國瑤光正對鉤陳開美人若佐商周業方駕有娥追
有郤

孫福清字補璇號稼亭嘉善人咸豐辛亥舉人歷官大

理寺評事有望雲仙館詩鈔海南紀游草

詩話稼亭宰山西陽城襄垣廣東陽山新興皆有
惠政嘗刻鄉先輩著述二十餘種爲構李遺書

卽事

紅塵一墮總茫茫物我年來付兩忘漫向塞翁論得失偶
從詹尹問行藏搏沙易幻人間世點石難尋海上方恩怨
銷除憂樂在焚香夜夜禮空王

題瑞邸所藏宋文丞相蕉雨琴拓本

竹如意擊已碎玉帶生交偏耐正氣歌成天地晦半壁江
山竟陸沈千秋留得孤琴在廬陵大節照青史手撫冰絃
淚如水金甌墮地缺不完何況區區桐與梓豈知忠憤所
鬱金石開一絃一柱鏗風雷冬青樹老天水黯豐城寶氣
難終埋移宮換羽驚彈指流水高山有知己遺響銷沈六

百年一朝物色歸藩邸我觀丞相琴如見丞相心西臺慟
哭故人遠東山絲竹君恩深柴市風酸瑟絕調蕉窗雨急
淒餘音七條颯颯森寒玉古篆蒼涼土花綠譜出天風與
海濤哀音怨亂難終曲祇今聲價重球琳三尺焦桐抵萬
金澹墨數行留粉壁夜深彷彿聽龍吟

讀夏子儀刺史

鳳翔

愛日山房詩藁

憶昔君家全盛日琴歌酒賦劇豪雄一從鄉里驚風鶴幾
度關山感雪鴻生死交情觴詠外炎涼世態笑談中西湖
久別應惆悵我亦歸心逐轉蓬

褚維塏字爽齋餘杭人咸豐辛亥舉人歷官安徽候補
直隸州知州有人境結廬詩藁

過邳州

邳州城外速征驂，徧眼風塵世路諳。
屈指離家將一月，行程還未出江南。

書感

荒村寥落樹無邊，齊魯征塵接薊燕。
馬蹋寒沙風四起，雕盤大漠日孤懸。
登車敢負澄清志，撫髀慚踰少壯年。
笑問此來欲何事，朝朝犯曉走霜天。

湖口山行

春來驅馬出燕京，本擬西江取道行。
時局休談王景略，鄉園愁賦庾蘭成。
但逢險阻心宜壯，得免流亡願已平。
三月舟車徧游歷，筇輿前去又山程。

曉行卽事

登車殘夢續沈沈，寒逐輪蹄料峭侵。
枯樹著霜疑是雪，遠

山迎日半猶陰江南消息愁兵事
薊北風沙倦客心只有荒村人最樂
曉驅黃犢出平林

如許

如許頭顱兩鬢斑移文應亦汗塵顏
一春花柳江邊盡三面風濤郭外環
借箸更休談擊賊讀書何待乞還山
旅窗岑寂終朝坐已是身居吏隱間

過定遠

十年前事在驅馬此重游荒草迷殘壘
斜陽下戍樓赤眉餘黨盡碧血故人留
判虎臺邊路蕭條滿目秋

馮譽駒字景千高要人咸豐辛亥舉人
官武進知縣有

眠琴閣詩鈔

和陳鶚秋表弟

拔豪

冬日晚眺原韻

葭管飛灰歲又更天涯游客動離情雲山疊嶂鄉關遠水閣憑欄花日明翠壓疎林藏古寺寒流斷澗抱孤城雁飛不到衡陽道驛路風霜第幾程

方昌翰字宗屏桐城人咸豐辛亥舉人官新野知縣有虛白室詩鈔

避地

避地危如巢幕燕挈家情類觸藩羊一杯未飲心先醉五夜含愁鬢欲霜吾輩幾人思蹈海中原時事擬探湯隆中記上今何有俯仰千秋意激昂

大觀亭

上凌霄漢下坡陀眼底風帆日夜過山色二龍開戶牖江聲五月走鼉鼉天連吳楚煙波闊地接東南戰伐多四十

年前吟嘯處那堪荆棘問銅駝

王成升字仲允號吉階武陵人咸豐辛亥舉人官山西知縣有吉階詩草

永晝

永晝茶煙裊清和記謝吟花香蘇病骨苔綠上詩襟風輭絮痕重雲低窗影深讀書聲未已鷓鴣喚青林

程之楨字維周江夏人咸豐辛亥舉人官黃岡教諭有維周詩鈔

趙州

濁酒澆黃土悲歌問昔年戍荒人荷鋌沙闢馬耕田奇士誰廉藺雄關莽晉燕書生如獻策行矣著先鞭

喜門人蕭連刪易梅生同日至黃州